



Sarajevo, 13.05.2020. godine
MEDIJIMA

NAJAVA ZA MEDIJE

Video - konferencija Pododbora za trgovinu, industriju, carinu i oporezivanje između EU i BiH

Četvrti sastanak Pododbora za trgovinu, industriju, carine i oporezivanje između Evropske unije i Bosne i Hercegovine bit će održan u četvrtak, 14.05.2020. godine, putem video-konferencije.

Sa bh. strane sastankom će kopredsjedavati Dragiša Mekić iz Ministarstva vanjske trgovine i ekonomskih odnosa BiH, a sa strane EU Ingrid Jenezova iz Opće uprave za proširenje i politiku susjedstva.

Na sastanku će, između ostalog, biti riječi o provođenju obaveza iz Sporazuma o stabilizaciji i pridruživanju i preporuka Evropske komisije vezanih za trgovinu, industriju, carine i oporezivanje. Također, bit će riječi i o mjerama i inicijativama poduzetim u ovim oblastima u toku aktuelne situacije uzrokovane virusom Covid-19.

Predsjedavajući bh. delegacije Dragiša Mekić iz Ministarstva vanjske trgovine i ekonomskih odnosa BiH bit će na raspolaganju novinarima za izjave putem telefona u periodu od 13 do 13:30h (kontakt osoba i telefon: Martina Trogrlić, 063 332 258). Direkcija za evropske integracije će nakon sastanka distribuisati saopćenje.

Pododbor za trgovinu, industriju, carinu i oporezivanje je jedan od sedam pododbora, zajedničkih tijela EU i BiH, osnovanih u skladu sa SSP-om u svrhu praćenja njegove primjene. Razmatra pitanja u vezi sa poglavljima 1, 16, 20, 29 i 30 *acquis*-a EU. O radu Pododbora vidi više http://dei.gov.ba/dei/bih_eu/zajednickatijela/default.aspx?id=20894&langTag=bs-BA.

Direkcija za evropske integracije BiH